

Utvrđen rok za usklađivanje zakonodavstva o osnovnom i srednjem obrazovanju

Visoki predstavnik, Paddy Ashdown, šef Misije OSCE-a u BiH, Robert Beecroft, i specijalna predstavница Vijeća Evrope u BiH, Sonja Moser-Starrach, danas su konstatovali da je neophodno postići usklađenost kantonalnih i entitetskih zakona o obrazovanju sa okvirnim zakonom Bosne i Hercegovine ukoliko se želi dalji napredak BiH ka evropskim integracijama.

U pismu upućenom ministru obrazovanja RS, Gojku Savanoviću, ministrima obrazovanja svih kantona u FBiH, Šefiku Mršiću, Stipi Ivankoviću, Zlati Žigić, Sreti Tomaševiću, Osmanu Somunu, Nikoli Lovrinoviću, Jagi Musi, Jozi Mariću, Emiru Turkušiću i Marinu Iviću, predsjedniku NSRS, Draganu Kaliniću, te predsjedavajućima kantonalnih skupština, visoki predstavnik, šef Misije OSCE-a i specijalna predstavница Vijeća Evrope istakli su da je gotovo dvije godine nakon prijema Bosne i Hercegovine u Vijeće Evrope samo Distrikt Brčko ispunio svoju zakonsku obavezu da provede usklađivanje svojih zakona o osnovnom i srednjem obrazovanju sa Zakonom o osnovnom i srednjem obrazovanju Bosne i Hercegovine.

Usklađivanje sa Okvirnim zakonom o osnovnom i srednjem obrazovanju BiH potvrdiće pravo djece na obrazovanje kao jedno od osnovnih ljudskih prava. Ovo zakonodavstvo osigurava ravnopravan pristup i jednake standarde u obrazovanju u cijeloj BiH za svu djecu, bez obzira na to gdje idu u školu, a djeci osigurava pravo na kulturne i lingvističke razlike.

U pismu se kaže: "Ovo pitanje ne tiče se samo obrazovanja i zakonskih obaveza koje proističu iz domaćeg zakonodavstva, nego od Bosne i Hercegovine traži i to da ispunjava svoje međunarodne zakonske obaveze. Usvajanje i provedba novih,

potpuno usklađenih, zakona o obrazovanju na svim nivoima vlasti do 24. aprila 2004. – dvije godine nakon što je Bosna i Hercegovina postala 44. članica Vijeća Evrope – predstavlja post-prijemnu obavezu koju pred ovu zemlju postavlja Vijeće Evrope.” Nadalje, ispunjenje post-prijemnih kriterija Vijeća Evrope istovremeno predstavlja i zahtjev iz studije izvodivosti Evropske komisije, u kojoj su navedena prioriteta pitanja koja je potrebno riječiti prije početka pregovora o zaključivanju Sporazuma o pridruživanju i stabilizaciji.

“Evropa nam neće dozvoliti da idemo dalje sve dok ne ispunimo ranije obaveze” rekao je visoki predstavnik. “Sljedeće sedmice Evropska komisija će prezentirati svoj privremeni izvještaj o napretku u BiH; već dvije godine ministri obrazovanja ne postižu napredak u ovoj oblasti, uprkos činjenici da su njihovi predstavnici na državnom nivou usvojili ovaj zakon.” Visoki predstavnik je dodao da “ukoliko u toku sljedećeg mjeseca ne postignemo napredak suočićemo se sa konkretnim posljedicama.”

“Usklađivanje sa zakonodavstvom na državnom nivou predstavlja obavezu i prema zakonima same Bosne i Hercegovine,” rekao je ambasador Beecroft. “Ovo pitanje u suštini se svodi na to da li ove institucije poštuju vladavinu zakona u BiH.”